



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA TEŠANJ**  
**OPĆINSKI NAČELNIK**  
**Služba za finansije, privredu, komunalne i inspeksijske poslove**

Broj: 04-23-4-3910/20  
Datum, 15.10.2020. godine

Služba za finansije, privredu, komunalne i inspeksijske poslove općine Tešanj rješavajući po zahtjevu JP "TOPLANA" d.d. Tešanj na osnovu člana 46. i 47. Odluke o organizaciji i sigurnosti saobraćaja na cestama ("Službeni glasnik Općine Tešanj", broj: 3/10, 1/12 i 10/14) i člana 200. Zakona o upravnom postupku ("Sl. novine FBiH", broj: 2/98 i 48/99) d o n o s i

### **R J E Š E N J E**

**ODOBRAVA SE** privremena regulacija saobraćaja za motorna vozila radi izvođenja radova na toplifikaciji i rekonstrukciji instalacije vodovoda u dijelu ulice Tabačka i ulici dr. A. Handžića:

1. u dijelu ulice Tabačka i ulici dr. A. Handžića obustavlja se u potpunosti saobraćaj od 17.10. **do 05.11.2020.** godine;
2. u ulicama Nisima Albaharija, Momana Topreka i Hamzalije Ajanovića (od Tabačke do skretanja u ul. Braće Mulabećirovića) odvijati će se **dvosmjerni saobraćaj** od 17.10. **do 05.11.2020.** godine;
3. u ulici Tabačka (od Hamzibegove džamije do "Kape") izmijeniti će se smjer kretanja vozila od 17.10. **do 05.11.2020.** godine;
4. u ulici dr. A. Handžića obustavlja se u potpunosti saobraćaj od 06.11. **do 30.11.2020.** godine;

Zabranjuje se parkiranje svih vozila u dijelu ulica iz tačke 2. ovog rješenja u kojima će se saobraćaj privremeno odvijati u oba smjera.

Izvođač radova je dužan u navedenom periodu, privremenu regulaciju saobraćaja obilježiti propisanom signalizacijom i obezbjediti pješački prilaz objektima.

### **O b r a z l o ž e n j e**

Službi za finansije, privredu, komunalne i inspeksijske poslove općine Tešanj, JP "TOPLANA" d.d. Tešanj podnijela je zahtjev za privremenu obustavu saobraćaja u cilju izvođenja radova na nastavku projekta toplifikacije starog dijela grada Tešnja - Grana IX i rekonstrukcije instalacije vodovoda na dionici od t.54-t.57.6 i t.57-T23. Služba je u postupku rješavanja utvrdila zahtjev za zatvaranjem dijela ulice Tabačka i ulice dr. Adema Handžića u periodu od 17.10. do 30.11.2020. godine opravdanim i da ne postoje smetnje za odvijanje saobraćaja alternativnim pravcima u periodu izvođenja radova. Imajući u vidu navedeno i hitnost radova zbog predstojeće grejne sezone, u skladu s članovima 46. i 47. Odluke o organizaciji i sigurnosti saobraćaja na cestama ("Službeni glasnik Općine Tešanj", broj: 3/10, 1/12 i 10/14) odlučeno je kao u dispozitivu rješenja. Na ovo Rješenje naplaćena je administrativna taksa u iznosu od 50,00 KM u skladu sa tarifnim brojem 2. tačka 30. Tarife općinskih administrativnih taksa ("Službeni glasnik Općine Tešanj", broj:1/14).

#### **Pouka o pravnom lijeku**

Protiv ovog rješenja može se izjaviti žalba Drugostepenoj općinskoj komisiji u roku od 15 dana od dana prijema rješenja.

#### **Dostavljeno:**

1. "Toplana" d.d. Tešanj,
2. Policijska stanica Tešanj,
3. Web stranica Općine,
4. a/a.



**POMOĆNIK OPĆINSKOG NAČELNIKA**

Hamzaliya Hojkurić, dipl.oec.

